



# Misko Okonás Kíjik ashidj NWAC Ka'n Oshkinjigosig Odaminowaganag Inanokiwin

## Misko Okonás Kíjik

Iye Mamidoneniminánik Kíjik Kikenindágosi ondji Kámádjádjig ashidj Kánishinohowadj Anishinábe Ikwewag, Ikwesínsag, ashidj 2SLGBTQQA+ Pemádizidjig násáb ijikikenindágog Misko Okonás Kíjik.

Awaso inónzowin kíbí onzika gashkiyewiziwin mazinibíhige inanokiwin ashidj obídón nakág awashamenj kichi mitásomidana kámádjádjig ashidj nitágewihowadj Anishinábe Ikweg, Ikwesínsag, ashidj 2SLGBTQQA+ Pemádizidjig igeg endachiwadj onzám wídj-pimádiz mígádiwin Kánádang.

Pi 2010, Abitáwizi mazinibíhigekwe Jamie Black ogímádjíkan iye Misko Okonás Inanokiwin. Kígímádjise mazinibíhige agódjigan ká agódeg awashamenj mitásomidana misko okonásan pindj apítenindágog tawisin kidji mámakádenindágwad pemádizidjig ondji Anishinábeg, Abitáwizíg, ashidj Kíwedínog ikwewag ashidj ikwesínsag wanishinowadj mega wídj-pimádiz mígádiwin. Jamie Black odinanokiwin kí oditinán sasweyadjimowin ádjíwekamig nisidawinagozi ashidj má móyáwagenindam tódamowin ondji ándjise.

Iye ikidowin **“koki okonás”** ikidomagad kidji nódjimodj konima gaye kwayak ateg. **Iyo Misko Okonás** inanokiwin nandwewezige kidji kwayak ijichigewadj.

Awaso nandwewezigewin kidji ijichigewadj ashidj kodagiziwin inakág wídj-pimádizi tagon mígádiwin pemódjigáde wín Anishinábekweg, ikwesínsag ashidj 2SLGBTQQA+ pemádizidjig awaseg kákagonzongewadj iye Misko Okonás inanokiwin mí iye náwehí ondamitáwin Anishinábekweg Ogima-ogamig Kánádang ká inanokiwadj ako 1974. Mí tash ondji NWAC mangigondágan wídókáwadj Misko Okonás inanokiwin ashidj keyábadj ondamitáwadj kidji wídókáwadj kidji kándjiwebinang ine kíjigón kesháwadjigádeg násáb tawa Misko Okonás Kíjik.

Kínawind ká'n gashkitośimin kidji waníkeng káwanishinowadj kokomisag, ningag, dawemág, noshenjag, ashidj 2SLGBTQQA+ Anishinábeg nindakínang. Mámakadj ke ondamitáng má mawi kakina kidji máwandóginameng awaso awakázowin.





## NWAC Ka'n Oshkínjigosí Odaminowágan Inanokíwin

NWAC wídókázo kidji mino pimádiziwadj Anishinábekweg, ikwesínsag, Níj Odey, wídj pimádizi, ashidj pikan pemádizidjig+ memindage wínawa odanokíwiniwan ashidj Kánádang. Násáwehí wín inanokíwin násáb Ayángwámí Pemí-ijániwang ashidj gaye sasweyádjimowin ijichige todamowin Ninandawenindamán, Ni-ijichigewinan, NWAC wídókázo násáb igodj Misko Okonás kidji kijewádjichiganiwe awedigeg káwanishiwadj ashidj kidji ayámeng mino pimádiziwn ondji Anishinábekweg, ikwesínsag, ashidj 2SLGBTQQA+ pemádizidjig.

## NWAC Ka'n Oshkínjigosí Odaminowágan Inanokíwin

Kaganzonge nakág kándjiwebinang inanokíwin Misko Okonás ashidj Gloria Larocque Odanishinábe Anjení Odaminowágan Inanokíwin, píndj 2012, NWAC kínakodam mámawi Larocque kidji mádjíshkátodj tibinawe mazinibíhigewin ondji ándjító nagadjíwin kidji kesháwádj ijichigewin MMIWG2S+ pemádizidjig. NWAC Ka'n Oshkínjigosí Odaminowágan Inanokíwin kíjenindán mamándáwinam mazinázowin pímaskawizíwadj ashidj kwenádj Anishinábekweg, ikwesínsag, 2SLGBTQQA+ pemádizidjig awegwendog ega ayáwadj "oshkínjigosí" kodagitowadj ondji mígádiwin.

Miziwe kakina ondamitáwin ájowehí Kánádang, tanakíwiniwan Anishinábeg kíwíkomág kidji píjáwadj ashidj kidji nóndamowadj Ka'n Oshkínjigosí Odaminowágan ádisókán ashidj wínawa kidji ojijáwadj tebinawe awaso kesháwádj mazinibíhige inanokíwin. Ige odaminowáganag ojichiganiwadj 2012 kípabamádizig mazinibíhige wábandawániwig ondji ogog mámidonenimáwadj MMIWG2S+ pemádizidjig Kánádang.

Apích iye ikidowin NWAC Ka'n Oshkínjigosí Odaminowágan Inanokíwin nóndágoniwang, NWAC oditinánáwán pagosenindamowin wenzikag inodewizidj, tanakíwiniwan anishinábeg, kikinámágedjig, ashidj wídjikiweg keyabadj ojijáwadj Ka'n Oshkínjigosí Odaminowáganag. Pemádizidjig ashidj kodagag ondamitádjig keyabadj odojijáwán onon odaminowáganag kidji apítenindamowadj ashidj gashkiyewiziwin. Iye ijichigewin kísisweshká agwadjehí Mikinák Minitigong ashidj pemádizidjig ánikósidónawa kakina enigwakomigag!

Wídjí zagakwíg píndj kesháwádj ijichigewin igeg káwanishinowadj ashidj kándjiwebiyan ondji ándjítówin, ojiye Ka'n Oshkínjigosí Odaminowágan nóngom.

